

Gij Goj Gou Caeuq Saw

我和书的故事

贵港市覃塘区蒙公乡古山小学五年级 庾鑫



Saw hawj vunz coengmingz, saw hawj gou rox dauhleix guhvunz, hawj gou yawj ndaej gvangq yawj ndaej gyae, saw hawj gou cihsiz. Gauh'wjih gangj gvaq: "Saw dwg mbaeklae cinbu vunzloih." Ndigah, gou itcig dawz saw dangguh baengzyoux, gou yawj saw ciengzseiz lumz bae gwn haeux, hix lumz bae ninz. Gij goj gou caeuq saw hix riengz dwk doeg saw lai cix bienq lai.

Geiq ndaej gou hwnj sam nienzgaep hainduj hag sij cozvwnz seiz, daxmeh couh cawx haujlai saw cozvwnz hawj gou. Hawj gou daj ndaw gij saw neix ndaej daengz daezdiemj. Daj seizhaenx hwnj gou couh gyaez

hwnj saw lo. Daj ndaw 《Siuj Hagseng Baujdenj》gou roxdaengz, sij cozvwnz mbouj ndaej gapngangz ciuq sij, aeu lingzvued yinhyungh.

Miz baez ndeu, daxmeh cawx bonj 《Cozvwnz Daihcienz》ndeu hawj gou, gou gig angq, ciep dawz saw couh buet haeuj ndaw rug bae, lumj dungxiex hozhawq ndaej gwn haeux nei doeg hwnjdaej. Daxmeh yaek bae guh hong, de yaek okdou seiz daengq gou: "Gwnz laeuz dak miz di haeux-yangz, danghnaeuz doekfwn, mwngz bae bang sou bw." Seizhaenx gou yawj saw cingq yawj ndaej mizyinx, couh seizbienh han naeuz: "Gou rox lo, gou rox lo." Daxmeh lij mbouj cuengqsim,

youh naeuz: "Gaej cij goq yawj saw, geiq ndaej okdaeuj yawj mbwn bw." Gou miz di mbouj naihfanz dwk naeuz: "Cuengqsim ba, gou rox lo." Daxmeh okbae mbouj geij nanz, dinglingz mbwn couh doekfwn lo, caj gou fatyienh seiz, gij haeuxyangz dak gwnz laeuz haenx gaenq deng rwed dumz lo.

Youh miz baez ndeu, daxboh cawx ndaej bonjsaw 《Seiqgyaiq Doenghduz》dauqma, gou raen le couh dawz daeuj yawj, daengz cawj haeux seizgan le, daxmeh heuh gou cawj haeux, gou gipgip muengzmuengz swiq haeux cuengq roengz gu bae le, youh bae yawj saw lo. Caj daxmeh cauq

byaek ndei yaek gwn ngaiz seiz, baez hai fagu, raen haeux caengz cug, laxlawz dwg gou lumh hai dienh lo. Daxmeh miz di ndatheiq lo, naeuz gou: "Mwngz dwg baenzlawz guh ya, lienz ngaiz cungj cawj mbouj cug?" Gou lauxsae naeuz: "Gou gaenj bae yawj saw, lumz hai dienh lo." Daxmeh dingq gou yienghneix gangj mbouj caiq gvaic gou lo.

Neix couh dwg gij goj gou caeuq saw, saw dwg baengzyoux ndei gou, gou hix maqmuengh daihgya dawz saw dangguh baengzyoux, hawj saw caeuq raeuz guhdoi hix byaij coh daengzcog.

(指导老师: 韦凤玲)

Yijvwnz Lauxsae Gou

我的语文老师

贵港市覃塘区蒙公乡古山小学六年级 韦富彤

Daj it nienzgaep daengz roek nienzgaep, son yijvwnz ban dou cungj dwg Veiz lauxsae. Veiz lauxsae youq ndaw hagdangz son saw gaenq miz 20 lai bi lo. De son saw gig miz gingniemh, gangj goq seiz gij sing de youh cingcuj youh ndei dingq, dou cungj gig gyaez de.

Veiz lauxsae miz di gujgvaic, de gingciengz byaujyangz gyoengq doengzhag, hoeng, Dwng Ginhbangj doengzhag dauq gingciengz deng de baebingz. Aenvih Dwng Ginhbangj gig coengmingz, hoeng guh gijmaz saeh cungj dwg lujluj lajlaj, cingzcik de hix hwnjroengz mbouj dingh.

Geiq ndaej miz baez ndeu ngamq haihag mbouj geij nanz, gyoengq doengzhag lij caengz ndaej dawz sim cuengq youq gwnz hagsib bae. Veiz lauxsae naeuz: "Seizneix gaenq hwnj aen danyienz ndeu sat lo, gou caeuq sou dajdoj, dangh-naeuz raeuz seizneix sikhaek

cwzyen, sou itdingh mbouj miz saek boux ndaej habgek." Dwng Ginhbangj couh naeuz: "Lauxsae, gou mbouj saenq!" Veiz lauxsae naeuz: "Boux lawz gou cungj ndaej saenq, hoeng gou cix mbouj saenq mwngz." Dwng Ginhbangj naj cungj hoengz liux, mbouj ndei eiqseiq dwk naengh roengzdaeuj. Baez cwzyen haenx, daengx ban doengzhag cungj ndaej habgek, Dwng Ginhbangj hix ndaej 75 faen. Seizneix siengsiengj, yienzlaiz Veiz lauxsae dwg yungh fap gik vunz ya.

Geizgyang gaujsi aen singhgiz gonq, Veiz lauxsae youh heuh moix boux doengzhag dingh aen muzbyauh ndeu. Dou moix boux cungj dingh ndei muzbyauh lo, Dwng Ginhbangj hix dingh le 80 faen muzbyauh. Veiz lauxsae dingq le naeuz: "Dwng Ginhbangj, muz-byauh mwngz dingh ndaej daiq sang lo, mbouj hojnaengz ndaej saedyienh, lij dwg 60 faen ba."



Dwng Ginhbangj mbouj guh sing, daengxnaj nding'yan.

Geizgyang gaujsi le, gyoengq-dou cungj simgip dwk caj gunghbu cingzcik. Dang cingzcik gunghbu seiz, dou cungj ngawh lo, Dwng Ginhbangj gingciengz deng lauxsae dajgik haenx gingqyienz gauj ndaej 96 faen.

O, seizneix gou rox lo, neix dwg lauxsae gaengawq gij daeg-diemj Dwng Ginbangj miz di siuj coengmingz, danhseih mbouj gaeuq dabsaed, youh mbouj fug saw, cij sawjyung hix fuengfap gik de haenx. Lauxsae ciengzciengz dajgik de, hawj de gaj bae haujlai sibgvenq mbouj ndei, cingzcik dauqdae miz haujlai cinbu lo.

Veiz lauxsae yienznaeuz miz di gujgvaic, hoeng gou gyaez de.

(指导老师: 韦凤玲)

Dwkbej

打牌

贵港市覃塘区蒙公乡高占小学三年级(1)班 陆星宇

Ngoenz singhgiz ndeu, daeng-ngoenz raeujrub, duzroeg youq gwnz gofaex ciengqgo. Gou sij cozyez sat le, couh angqvauvau bae ra baengzyoux ndei Siujginh bae ndaw gunghyenz dwkbej.

Daeujdaengz gunghyenz le, dou youq diegnywj naengh ndei, couh hainduj dwkbej lo. Gou ndaej ok bej gonq, gou ok 5 duz bejswnh, Siujginh sikhaek ok 3 daiq 2 at gou. Gou daegdaengq najsaep naeuz: "Va, mwngz hix miz bej daeuj gwn gou ha, gou lau lai lo." Siujginh cingq riuhehe dwk, sawqmw hix raen gou hix ok 3 daiq 2 bej de hung, da daengx lo. De vadvad fwngz gangj: "Gvaq, gvaq, gvaq." Ciepdwk gou youh lienzlien ok doiq, Siujginh cungj aeu mbouj ndaej, de cijndaej danq gaemz heiq ndeu. Yienghneix, bu daih'it gou hingz lo. Youh dwk bu daihngaih, gou gajbienq dwkfap, gig yungzheih youh hingz lo. Siujginh lienz saw song bu, simgip raixcaix. Gou cix angqvauvau dwk diuq hwnjdaej. Siujginh mbouj fugheiq naeuz: "Mbouj saenq gou mbouj hingz, caiq dwk bu ndeu, gou itdingh hingz." Dou youh caiq dwk bu ndeu, baezneix, gou gig mbouj yunghsim, doeklaeng Siujginh hingz lo. De angq dwk vix gou hemq hwnjdaej: "Gou dauqdae hingz mwngz lo, gou dauqdae hingz mwngz lo." Gou raen Siujginh yienghneix sim'angq, gou gag siengj: Cijaeu mwngz sim'angq, gou hawj mwngz hingz baez ndeu youh suenq gijmaz ne?

Doeklaeng dou miz gangj miz riu dwk byaij baema lo.

(指导老师: 覃珍团)



Baengzyoux gou heuh Siujlinz. De mbouj sang hix mbouj daemq, byoem raezrangh, lwgda de yienznaeuz iq cix gig rongh, aenndaeng caeuq aenbak hix dwg iqetet.

Siujlinz dwg boux hagseng gaenx ndeu. Ngamq hainduj, laux-

sae heuh de bae baet gyausiz, de gig angq bae baet lo. Doeklaeng, Siujlinz couh sibgvenq ngoenz-ngoenz gag bae baet gyausiz, mbouj yungh lauxsae daeuj daezsingj. Siujlinz mboujdan gig gaenxguh, de lij ciuqseiz guh ndei gij saeh lauxsae anbaiz haenx.

Baengzyoux gou Siujlinz, ngoenzngoenz cungj caeuxcaeux

daeujdaengz hagdangz. Mwh hwnj-dangz, Siujlinz nyinhcaen dingq lauxsae gangj goq. Roengzdangz le, Siujlinz swheij naengh youq ndaw gyausiz yawj saw hagsib.

Baengzyoux gou Siujlinz dwg boux vunz simndei gaenxguh he, dou cungj gyaez caeuq de guh baengzyoux.

(指导老师: 韦慧)

Baengzyoux Gou

我的朋友

贵港市覃塘区蒙公乡古山小学三年级 韦权峰

Baengzyoux gou heuh Siujlinz. De mbouj sang hix mbouj daemq, byoem raezrangh, lwgda de yienznaeuz iq cix gig rongh, aenndaeng caeuq aenbak hix dwg iqetet.

Siujlinz dwg boux hagseng gaenx ndeu. Ngamq hainduj, laux-